

Expresion di Procurador General ta basha investigacion abao

Autoridad no tin aparato pa investiga caso San Nicolas

* A base di kico Teresa por a persigui den caso San Nicolas?

* Teresa mester bin splica kico el a haci den Ministerio Publico

ORANJESTAD (AAN) - Den su post scritum, despues di a splica con tur denunciante contra Rudy a hala nan mes atras, e Procurador Interino Nico Jorg, ta trece dilanti cu Ministerio Publico no tin e instrumentonan necesario pa investiga fondonan di campaña di politiconan. Un declaracion sumamente pisa, cu ta nifica cu politiconan por haci loke nan kier pasobra no por investiga nan. Un declaracion pisa, cu ta duna mas motibo pa existi pa Procurador General Teresa, cu ta cu vakantie y ainda no a baha, promer cu e haya su "eervol ontslag" como Procurador General, cu hasta tabata sinti su mes secuestra, worde interroga. Teresa mester bin splica con por ta posibel, cu si no tin instrumentonan pa investiga fondonan di campananan politico na Ministerio Publico, e por a declara hende sospechoso den e caso contra e contrincantenan politico di Nel Oduber y Rudy Croes. Ademá Teresa mester splica tambe, pakico mescos cu su reemplazante, e no a realiza cu mester tene cuenta ora politiconan entrega denuncia contra otro!

Si Abogado General di Antiyas a bay di acuerdo pa

duna su opinion riba e caso Rudy Croes y awe Rudy Croes a worde declara liber manera a socede, nunca mas e por a realiza un detencion politico, manera el a yega di haci na Antiyas contra politiconan di tur partido. Cu razon, Antiyas a manda e Procurador General di Aruba bay haci su trabao riba su mes. E resultado ta serio! Na promer lugar, manera DIARIO a relata ayera, e argumentonan cu e Procurador General Interino a trece dilanti pa deshaci di e caso contra Rudy Croes y evita cu bau huramento Corte lo a trata e caso aki, ta haci necesario pa Teresa Croes, Procurador General cu vakantie, pospone su vakantie y bin responsabilisa su mes enfrente pueblo. Teresa Croes directamente ta responsabel cu esnan cu por a entrega denuncia di

antemano a worde spierta cu nan ta bay prison y for di esaki ta surgi e pregunta pakico otro denunciante, a dicidi di hala nan acusacion atras! Serio ta e hecho tambe, cu awor e Procurador General Interino, Nico Jorg, ta splica despues di a anuncia su decision, cu Ministerio Publico no tin suficiente instrumento pa por investiga cuantanan di campaña di politiconan y cu mester bini un Ley pa esaki. Con e Ley mester ta, DIARIO mes a splica a base di e loke ta pasando na Aruba actualmente. Mientrastanto, sin e instrumentonan cu Procurador General Interino a bisa no tin pa por a investiga e caso di Rudy Croes aparentemente riba e parti mas esencial, Teresa Croes a sa di realiza cierto actonan pa por yega na acusacionnan serio

contra contrincantenan politico di Rudy Croes y Nel Oduber y pronto e Procurador General Interino mester bay defende henter e investigacion di Teresa dilanti Huez. Teniendo na cuenta, cu ta den nomber di pais ta persigui hende y no a base di persona di e fiscal of Procurador General, esey lo nifica cu e cargonan cu Teresa a prepara, e investigacionnan cu el a haci contra contrincantenan di Rudy Croes y Nel Oduber, no tabata conta cu e instrumentonan cu ta valido of cu mester pa autoridad por persigui manera Teresa a persigui entre otro ex Ministro Eman, cu Corte di Husticia mester a saca for di gara di Teresa, cu despues ainda a gaña riba Corte. E razzia cu Teresa a tene riba tur localidad cu Eman, Tico Croes y tur e contrincantenan di

Rudy Croes y Nel Oduber, cu Nel y Rudy mes a denuncia, segun Nico Jorg pues no ta posibel y Teresa mester bin bisa a base di kico e por a yega na ningun conclusion pasobra Jorg a splica por escrito cu ta dificil yega na conclusionnan di placanan di campaña, pues placanan cu ta worde duna na politiconan pa nan campaña of nan saco.

Un pagina sumamente importante ta loke e Procurador General Interino ta skirbi den historia di persecucion legal di Aruba, cu a keda completamente desacreditado door di Teresa, cu mester bandona su vakantie pa bin splica Pueblo kico el a haci promer cu na nomber di e pais, e haya "eervol ontslag".

E asuntonan aki ta worde investiga actualmente pa DIARIO, pasobra ta un palanca di e Leynan basico na Aruba ta basha abao y hasta ta habri caminda pa loke ta pasa awor cu Aruba, cu gobernantenan ta haci y deshaci sin miedo cu nan por bay cera, aunke hasta den sala di reunion di Gobierno, e palabra aki a cay ora e tabla di Marisol contra Nel a bula!

HAPPY HOUR RIBA PIER A CABA!!



BEST DEAL

Tel: 5827100

(Pariha di Aruba Bank, Paradera)

STOCK NOBO A JEGA